

Na osnovu člana 4. Zakona o zdravstvenoj zaštiti FBiH („Službene novine Federacije BiH“, broj:46/10 i 75/13), Zakona o liječenju neplodnosti biomedicinski potpomognutom oplodnjom („Službene novine Federacije BiH“, broj:59/18 i 44/22), člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj:49/06 i 51/09), člana 72. Statuta Općine Novi Grad Sarajevo („Službene novine Kantona Sarajevo“, broj:1/24), Pravilnika o sufinansiranju troškova biomedicinski potpomognute oplodnje (vantjelesne oplodnje), broj:02/07-05-13825/19 od 25.06.2019. godine i broj:02/07-04-7239/25 od 09.04.2025. godine, Budžeta Općine Novi Grad Sarajevo za 2026. godinu („Službene novine Kantona Sarajevo“, broj: 02/26) - ekonomski kod 614200/GCA20 - Tekući transfer za pomoć bračnim parovima za vantjelesnu oplodnju na području Općine Novi Grad Sarajevo, Služba za boračka pitanja, rad, socijalna pitanja i zdravstvo objavljuje

JAVNI POZIV
za sufinansiranje troškova biomedicinski potpomognute oplodnje (vantjelesna oplodnja)
na području Općine Novi Grad Sarajevo

1.Predmet Javnog poziva

Predmet Javnog poziva je sufinansiranje troškova za pružanje medicinskih usluga biomedicinski potpomognute oplodnje (vantjelesne oplodnje).

2.Finansijska sredstva

Finansijska sredstva za sufinansiranje troškova biomedicinski potpomognute oplodnje (vantjelesne oplodnje), obezbjeđena su Budžetom Općine Novi Grad Sarajevo za 2026. godinu („Službene novine Kantona Sarajevo“, broj: 02/26) - ekonomski kod 614200/GCA20 - Tekući transfer za pomoć bračnim parovima za vantjelesnu oplodnju na području Općine Novi Grad Sarajevo.

3.Kriteriji za ostvarivanje prava na sufinansiranje

Kriteriji za ostvarivanje prava na sufinansiranje troškova biomedicinski potpomognute oplodnje (vantjelesne oplodnje) su:

1. Da je žena koja podnosi zahtjev u bračnoj, ili vanbračnoj zajednici;
2. Da jedan od partnera u bračnoj, ili vanbračnoj zajednici ima prebivalište na području Općine Novi Grad Sarajevo, najmanje 3 (tri) godine prije podnošenja zahtjeva za ostvarivanje ovog prava;
3. Da se trudnoća ne može postići drugim načinima liječenja, nego samo u postupku vantjelesne oplodnje;
4. Da žena nema više od 42 godine života;
5. Izuzetno od tačke 4.ovog člana, žena može imati i više od 42 godine, ukoliko na prijedlog stručnog konzilija zdravstvene ustanove u kojoj se liječe bračni, odnosno vanbračni partneri, a iz opravdanih zdravstvenih razloga dobije saglasnost na biomedicinski potpomognutu oplodnju.

4.Potrebna dokumentacija

1. Uvjerenje o kretanju za oba bračna/vanbračna partnera;
2. Izvod iz matične knjige vjenčanih ili ovjerena izjava oba partnera data pod punom materijalnom i krivičnom odgovornošću o postojanju vanbračne zajednice u smislu odredbe člana 3. Porodičnog zakona FBiH,;
3. Nalaz i dokaz za liječenje neplodnosti metodama vantjelesne oplodnje, izdat od nadležne ginekološko-akušerske klinike, ili specijaliste ginekologije koji se bave humanom reprodukcijom u javnoj, ili privatnoj zdravstvenoj zaštiti žene KS;
4. Saglasnost stručnog konzilija nadležne zdravstvene ustanove na biomedicinski potpomognutu oplodnju (samo za žene preko 42 godine života);
5. Kopija bankovne instrukcije za plaćanje na ime podnosioca zahtjeva.

5.Podnošenje prijava

Javni poziv za ostvarivanje prava na jednokratnu novčanu pomoć za sufinansiranje troškova biomedicinski potpomognute oplodnje (vantjelesne oplodnje) objavljuje se na oglasnoj ploči Općine Novi Grad Sarajevo i web stranici Općine Novi Grad Sarajevo, u vremenskom periodu od **20.04.-20.05.2026.godine**.

Zahtjevi sa potpunom dokumentacijom podnose se Komisiji za rješavanje zahtjeva za pomoć u participaciji liječenja teško oboljelih sa područja Općine Novi Grad Sarajevo, putem Službe za boračka pitanja, rad, socijalna pitanja i zdravstvo Općine Novi Grad Sarajevo.

Zahtjev za sufinansiranje troškova biomedicinski potpomognute oplodnje (vantjelesne oplodnje) može se preuzeti na web stranici Općine i na Info šalteru Općine, svakim radnim danom od 7,30 do 16,00 sati.

Za sve dodatne informacije možete se obratiti kontakt osobi:

mr.sci. Fatima Šaškić
Stručna savjetnica za realizaciju projekata
iz oblasti boračke i socijalne zaštite
Kancelarija broj: 319, (III sprat)
Tel. 033/291-246.